

bisq ab illis quod, non solum in se, sed etiam

QVÆST. VIII.

*Virum genus sit principium
speciei?*

*Etenim principium quiddam est hu-
iusmodi genus earum, qua sub ipso
sunt specierum.*

VÉRITVR: vt rū
genus sit principi-
pius speciei? Quod
non videtur: quia
idem non est prin-
cipium, & princi-
piatum: quia prin-
cipium, & princi-
piatum, distinguuntur: sed genus est idē
speciei: ergo non potest esse principium
speciei: maior pater: probatio minoris
est duplex: prima est hæc: quia genus, se-
cundum Philosophum, nihil aliud est,
præter eas, quæ sunt generis, species.

Item: genus prædicatur de specie per
se: hæc enim est per se: homo est anima;
sed quod prædicatur per se de aliquo,
non est distinctum ab illo: ergo est idem
sibi.

Item: genus est totum respectu spe-
ciei: ergo non est principium eius: con-
sequens probatur: quia principium est
simplicius principiato: sed totum est co-
positius eo, cuius est: & antecedens pa-
ter per Auctorem in littera: vbi dicit: ge-
nus est totum respectu specierum.

Ad oppositum est Auctor in littera in
comparando tertiam significationem ge-
neris ad primam: vbi dicit, quod sicut ge-
nus tertio modo dictum est principium
speciei, ita genus primo modo dictum
est principium in multitudinis.

Ad Questionem dicendum: quod sic,
sumendo genus pro natura, in qua funda-
tur ipsa intentio, & non pro intentione:
quod declaratur sic: genus est essentiale
principium cognoscendi speciem: ergo
est essentiale principium speciei: con-
sequens probatur: quia diffinitio fa-
ciens scire diffinitum exprimit essen-
tialia principia diffiniti. quod est spe-
ciei solum proprio loquendo: quia nihil
propriè diffinitur, nisi species: antece-

dens patet per Philosophum sexto To-
picorum.

Sed sciendum: quod essentiale prin-
cipium speciei est duplex: quoddam se-
cundum rem, quod est pars rei in existē-
tia: cuiusmodi sunt materia, & forma: al-
liud secundum rationem, quod impor-
tant eandem rem sub modo in determi-
nato, quam species importat, modo de-
terminato. & hoc, si illud nomen impo-
natur ad significandum illam rationem,
prout sumitur, vel à materia, vel à for-
ma: nunc autem genus (puta animal) nō
est principium speciei (puta hominis)
primo modo, scilicet, secundum esse:
quia si sic, tunc non verè prædicaretur
de ea: ergo est principium speciei, se-
cundo modo: & idē si homo debeat dif-
finiri: cum diffinire sit actus rationis: in
eius diffinitione debet ponit animal, tan-
quam principium speciei, secundum ra-
tionem; & æque ratione: & sicut in re
natura materiæ extraneatur naturæ for-
mæ: ita quod neutrum est dicibile de alte-
ro: ita apud rationem, intellectus gene-
ris extraneatur intellectui differentiæ:
licet eadem res importetur per utrum-
que: idem enim significat animal, quod
homo, præter determinationem utrumque
formæ: & hoc significat per modum,
quid, & per se dicendum: & idē secundum
Porphyrium, prædicatur in quid. Ratio-
nale autem idem significat cum deter-
minatione utrumque formæ: sed tamen per
modum qualis, & denominantis: & idē
apud rationem, conceptus generis, &
differentiæ, sunt extranei.

Et propter rationes est sciendū: quod
hæc est differentia inter partes rationis,
& partes secundum rem: quia licet ut-
rumque significet partes totius: partes
tamen secundum rationem significant
partes totius, per modum totius: partes
autem secundum rem significant partes,
per modum partis: verbi gratia, genus
hominis (puta animal) est pars eius se-
cundum rationem: nam à sua prima im-
positione imponitur ad significandum
partem hominis: puta habens animam
sensitivam: quia tamen eam significat,
per modum totius, & non per modum
partis: idē verè prædicatur de homine:
sed non est sic de parte secundū rem: quia
est, quod est pars materialis statuꝝ, signi-
ficat partem, per modum partis; & idē
de statua non potest prædicari.

Pec

Per hoc ad rationes dicendum; quod
non est inconveniens, idem esse totum,
& partem, diversimode; idē dicit Boe-
thius libro Divisionum; quod genus in
prædicatione est totum; in definitione
vero est pars.

Summa textus, simul & explicatio.

PROPTER comparationem, quam fa-
cit Porphyrius inter tres acceptiones
generis dicens: genus in tertia acceptio
ne esse principium specierum; sicut e-
tiam in prima, & secunda, principium appella-
tur: ultimo mouet Doctor præsentem difficultate
ad determinandum; an prædicta Porphy-
riana comparatio sit ad rem: nee ne: Partem ne-
gatiuam probat tribus rationibus falsis in littera
patentibus: deinde affirmatiuè respondet lo-
quendo de genere, & specie, pro fundamentis;

mus,

mus,

